

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA KUMI NA NANE

KIKAO CHA KUMI NA TANO

12 FEBRUARI, 2010



ORODHA YA SHUGHULI ZA LEO

MKUTANO WA KUMI NA NANE

KIKAO CHA KUMI NA TANO – TAREHE 12 FEBRUARI, 2010

I. KIAPO CHA UAMINIFU:

Ismail Jussa Ladhu.

Janet Zebedayo Mbene.

II. MASWALI:

WAZIRI MKUU:

**168.MHESHIMIWA JAMES DAUDI LEMBELI
(KAHAMA):**

Atamuuliza Mheshimiwa Waziri Mkuu:- Kwa kuwa, Kabla ya kuanza kwa ujenzi wa mgodi wa Dhahabu wa Buzwagi matumizi ya barabara katika Mji wa Kahama yalikuwa ya wastani hivyo Halmashauri hiyo ilimudu kufanya matengenezo na ukarabati wa kawaida; na kwa kuwa, shughuli za mgodi wa Buzwagi zimesababisha ujio wa magari mengi makubwa kwa madogo na kusababisha uharibifu mkubwa wa barabara za Kahama Mjini; na kwa kuwa, Halmashauri ya Wilaya ya Kahama haina uwezo wa kukarabati barabara hizo kila mara:-

Je, Serikali iko tayari kusaidia Halmashauri ya Wilaya ya Kahama kuibana kampuni ya Buzwagi kufidia gharama za matengenezo ya barabara za Halmashauri ya Kahama.

**OFISI YA RAIS (MENEJIMENTI YA UTUMISHI WA
UMMA):**

**169.MHESHIMIWA BALOZI ABDI MSHANGAMA
(LUSHOTO):**

Atamuuliza Mheshimiwa Waziri wa Nchi, Ofisi ya Rais (Menejimenti ya Utumishi wa Umma):-

- (a) Je, kuna Watanzania wangapi wanaoongoza au ni Viongozi Waandamizi wangapi katika Mashirika na Taasisi za Kimataifa;
- (b) Je, ni wangapi kati ya hao wako katika ngazi mbalimbali za Utumishi kwenye Mashirika na Taasisi hizo.

WIZARA YA KAZI AJIRA NA MAENDELEO YA VIJANA:

170. MHESHIMIWA JOHN PAUL LWANJI (MANYONI MAGHARIBI):

Atamuuliza Mheshimiwa Waziri wa Kazi, Ajira na Maendeleo ya Vijana:- Kwa kuwa, mara baada ya mfumo wa vyama vingi vya Siasa kuanzishwa nchini, majukumu ya kukimbiza mwenge wa Uhuru yaliwekwa chini ya Serikali kupitia Wizara ya Kazi, Ajira na Maendeleo ya Vijana:-

- (a) Je, ni utaratibu gani na vigezo gani vinavyotumika katika kuwateua Vijana wanaokimbiza mwenge;

(b) Je, Vijana hao wanapata posho kiasi gani kwa siku na kuna malipo yoyote wanayopewa baada ya kumalizika kwa kazi ya mbio za Mwenge;

(c) Je, Vijana hao hulipwa nini pindi wanapopatwa na ajali wakati wakikimbiza mwenge.

WIZARA YA MAMBO YA NDANI YA NCHI:

171.MHESHIMIWA FAIDA MOHAMED BAKAR (VITI MAALUM):

Atamuuliza Mheshimiwa Waziri wa Mambo ya Ndani ya Nchi:- Kwa kuwa, siku za hivi karibuni kumejitokeza hali ya kuwepo kwa ajali nyingi za Magari, Treni, Meli na Ndege; na kwa kuwa, ajali hizo zimesababisha watu wengi kupoteza maisha yao na wengine wengi kupata ulemavu kutokana na kupoteza baadhi ya viungo vya mwili:-

Je, Serikali ina mipango gani madhubuti ya kukabiliana na tatizo hilo.

**172.MHESHIMIWA MASOLWA COSMAS
MASOLWA (BUBUBU):**

Atamuuliza Mheshimiwa Waziri wa Mambo ya Ndani ya Nchi:-

Je, Serikali itakamilisha lini uwekaji wa umeme katika jengo wanaloishi Askari Polisi kituo cha Bububu ambalo halina umeme kwa miaka mingi.

WIZARA YA MAENDELEO YA MIFUGO NA UVUVI:

**173.MHESHIMIWA SHOKA KHAMIS JUMA
(MICHEWENI):**

Atamuuliza Mheshimiwa Waziri wa Maendeleo ya Mifugo na Uvuvi:- Kwa kuwa, Tanzania ni nchi iliyojaaliwa mifugo mingi kama vile Ng'ombe, Mbuzi, Kondoo nk; na kwa kuwa, Serikali imeshindwa kabisa kuandaa mazingira bora

yatakayowahakikishia wafugaji ubora wa mifugo yao na ndio maana huwa wanahamama kila wakati:-

Je, Serikali inasema nini juu ya hoja hii.

WIZARA YA ARDHI, NYUMBA NA MAENDELEO YA MAKAZI:

174.MHESHIMIWA VICTOR KILASILE MWAMBALASWA (LUPA):

Atamuuliza Mheshimiwa Waziri wa Ardhi, Nyumba na Maendeleo ya Makazi:- Kwa kuwa, Serikali ya Norway inaisaidia Serikali ya Tanzania kutayarisha miradi (project) kwa kuomba Umoja wa Mataifa kuiongezea Tanzania mipaka upande wa bahari kwa kiasi cha “Nautical miles 200”; na kwa kuwa, Norway imetoa dola milioni 4.6 na Tanzania kutakiwa kuchangia dola milioni 2.6; na kwa kuwa, ongezeko hilo la mpaka litaifaidisha nchi yetu katika sekta za mafuta, gesi, uvuvi, n.k:-

(a) Je, ni lini Serikali itatoa mchango wake wa dola milioni 2.6;

- (b) Je, Serikali inafahamu kuwa, mwisho wa kupeleka mradi huo ni mwezi Mei 2009.

WIZARA YA VIWANDA, BIASHARA NA MASOKO:

**175.MHESHIMIWA MZEE NGWALI ZUBEIR
(MKWAJUNI):**

Atamuuliza Mheshimiwa Waziri wa Viwanda, Biashara na Masoko:- Kwa kuwa, eneo la uwekezaji la Benjamin Mkapa lililopo Mabibo limezungukwa na nyumba za wananchi na kwamba, kwa usalama wa eneo hilo ni muhimu nyumba hizo zikabomolewa:-

- (a) Je, wananchi wa maeneo hayo watalipwa lini;
- (b) Je, tathimini ya gharama imeshafanyika;
- (c) Je, bajeti ya eneo hilo imepangwa kwa mwaka huu.

**176.MHESHIMIWA WILLIAM HEZEKIA
SHELLUKINDO (BUMBULI):**

Atamuuliza Mheshimiwa Waziri wa Viwanda, Biashara na Masoko:- Kwa kuwa, kumetokea wimbi la upotoshaji wa dhana ya Soko Huria hapa nchini hasa katika maeneo ya wakulima wadogo wa Chai ambapo mikataba yao ya biashara ya Chai huingiliwa na kuvurugwa na wakulima wakubwa wa Chai:-

Je, Serikali ina maelekezo gani kuhusu jambo hilo hasa katika Wilaya ya Lushoto.

WIZARA YA KILIMO, CHAKULA NA USHIRIKA:

177.MHESHIMIWA CHARLES NDELIANARUWA KEENJA (UBUNGO):

Atamuuliza Mheshimiwa Waziri wa Kilimo, Chakula na Ushirika:- Kwa kuwa, Kaulimbiu ya Bajeti ya Mwaka 2009/2010 ni “**KILIMO KWANZA**”:-

- (a) Je, Kaulimbiu hiyo ni sahihi kwa kiwango gani;
- (b) Je, Kaulimbiu hiyo itatekelezwaje katika Jiji la Dar es Salaam na Miji mingine;

- (c) Je, ni mikakati gani iliyoandaliwa kutekeleza mpango huo.

**178.MHESHIMIWA GODFREY WESTON ZAMBI
(MBOZI MASHARIKI):**

Atamuuliza Mheshimiwa Waziri wa Kilimo, Chakula na Ushirika:- Kwa kuwa, katika taarifa ya Mdhibiti na Mkaguzi Mkuu wa Hesabu za Serikali kwa Mwaka wa Fedha ulioishia tarehe 30 Juni, 2008 ilibainishwa kwamba, mbolea ya ruzuku yenye thamani ya shilingi 30,402,100/= haikuwafikia wakulima wa Wilaya ya Mbozi; na kwa kuwa, tarehe 21/7/2009 Serikali iliombwa kutoa maelezo juu ya hatua zilizochukuliwa kwa mawakala waliohusika na upotevu wa mbolea, na ilielezwa kuwa mchakato wa suala hilo unaendelea na kwamba majibu ya hoja hiyo yangepelekwa kwa Mdhibiti na Mkaguzi Mkuu wa Hesabu za Serikali:-

- (a) Je, mchakato huo umefikia wapi;

(b) Je, Mawakala waliohusika na upotevu huo wa mbolea wamechukuliwa hatua gani za kisheria.

WIZARA YA NISHATI NA MADINI:

179.MHESHIMIWA DKT. HARRISON GEORGE MWAKYEMBE (KYELA):

Atamuuliza Mheshimiwa Waziri wa Nishati na Madini:- Kwa kuwa, katika Kikao cha Nne cha Mkutano wa 13 wa Bunge cha tarehe 31 Oktoba, 2008 Serikali ilitamka kuwa, ilikuwa katika hatua za mwisho kuiwezesha **TPDC** kuagiza mafuta kwa wingi (Bulk Procurement) ili kuleta ushindani katika biashara ya mafuta nchini, na vile vile kuipatia **TPDC** mgao wa asilimia 50 (50%) ya mauzo ya gesi asilia kuiwezesha kushiriki kikamilifu katika miradi ya utafutaji na uzalishaji wa mafuta na gesi:-

Je, utekelezaji wa hatua hizo mbili umefikia wapi sasa.

WIZARA YA ELIMU NA MAFUNZO YA UFUNDI:

180.MHESHIMIWA MCH. DKT. GERTRUDE RWAKATARE (VITI MAALUM):

Atamuuliza Mheshimiwa Waziri wa Elimu na Mafunzo ya Ufundi:- Kwa kuwa, mfumo wa elimu yetu haumwezeshi mhitimu kujiajiri badala yake unamfanya awe tegemezi wa ajira tu:-

Je, Serikali itakuwa tayari kuongeza somo la ujasiriamali kwenye Mtaala wa Elimu kuanzia shule za msingi hadi Chuo Kikuu.

181.MHESHIMIWA SAID AMOUR ARFI (MPANDA KATI):

Atamuuliza Mheshimiwa Waziri wa Elimu na Mafunzo ya Ufundi:- Kwa kuwa, kozi za muda mfupi (Refresher Course) zilisaidia sana katika

kuboresha Taaluma ya Ualimu, mbinu za ufundishaji na maadili:-

(a) Je, ni walimu wangapi wamepata mafunzo hayo kwa mwaka 2006 na 2007;

(b) Je, ni walimu wangapi toka Wilaya ya Mpanda wamepata taaluma hiyo.

182.MHESHIMIWA DIANA MKUMBO CHILOLO (VITI MAALUM):

Atamuuliza Mheshimiwa Waziri wa Elimu na Mafunzo ya Ufundi:- Kwa kuwa, Kuna Vyuo vya Ufundi (**VETA**) kwa kila Mkoa na sasa Serikali inapanga kila Wilaya iwe na Chuo cha **VETA**; na kwa kuwa, vyuo hivi vinafanya kazi nzuri sana ya kusaidia vijana wanaozurura mitaani na vijijini wakiwa wameathirika na madawa ya kulevya:-

Je, Serikali haioni kuwa, kuna haja kila Chuo cha Ufundi (**VETA**) kuwa na Kitengo cha Mafunzo kwa vijana walioathirika na madawa ya kulevya.

WIZARA YA KATIBA NA SHERIA:

183.MHESHIMIWA YAHYA KASSIM ISSA (CHWAKA):

Atamuuliza Mheshimiwa Waziri wa Katiba na Sheria:- Kwa kuwa, wakati wa Mkutano wa kumi na Mbili wa Bunge lilijitokeza suala la marekebisho ya Sheria ya Ndoa na Mirathi; na kwa kuwa, ilithibitika kwamba, baadhi ya Dini hususani ya Kiislam zinafuata taratibu zilizowekwa katika Koran Tukufu na hakuna uwezekano wa kubadili taratibu hizo kwa njia yoyote ile:-

- (a) Je, Sheria hiyo itatumika vipi Mahakamani wakati kuna suala la Dini ya Kiislam juu ya Ndoa na Mirathi na Hakimu mhusika si muumini au mwelewa wa Sheria za Kiislam;
- (b) Je, Serikali haioni kuwa, utaratibu wa kutokuwepo Kadhi Tanzania Bara unawabana Waislamu;
- (c) Je, kuna sababu gani za msingi za kutokuwepo kwa Kadhi huyo kwa kuwa hata zamani wakati wa utawala wa Waingereza Kadhi alikuwepo bila ya kuathiri waumini wa Dini nyingine.

III. UCHAGUZI WA WAJUMBE KWENYE TAASISI YA ELIMU YA JUU:

Taasisi ya Sayansi na Teknolojia Mbeya (MIST) – Mjumbe 1.

IV. MUSWADA WA SHERIA YA SERIKALI:

*(Kusomwa Mara ya Pili, Kamati ya Bunge zima
na Kusomwa Mara ya Tatu)*

Muswada wa Sheria ya Marekebisho ya Sheria za Uchaguzi wa Mwaka 2009, *[The Electoral Laws (Miscellaneous Amendments) Bill, 2009]*.

Muswada wa Sheria ya Baraza la Usalama wa Taifa wa Mwaka 2009 *[The National Security Council Bill, 2009]*.

V. HOJA YA KUAHIRISHA BUNGE:

WAZIRI MKUU.

**DODOMA
12 FEBRUARI, 2010**

**DKT. T.D. KASHILILAH
KATIBU WA BUNGE**